

**BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo za pitanja boraca i
invalida odbrambeno - oslobodilačkog rata
Federalno ministarstvo za pitanja branitelja i
invalida domovinskog rata**

Broj: UP-I-03-41-ZKZ-2038/11
Sarajevo, 16.01.2013. godine

Federalno ministarstvo za pitanja boraca i invalida odbrambeno oslobodilačkog rata-Federalno ministarstvo za pitanja branitelja i invalida domovinskog rata Sarajevo, na osnovu člana 14. i člana 7. stav 6. Zakona o provođenju kontrole zakonitosti korištenja prava iz oblasti branilačko-invalidske zaštite ("Sl. novine Federacije BiH", broj: 2/98 i 48/99), i BiH", broj: 82/09), člana 200. Zakona o upravnom postupku ("Sl. novine Federacije BiH", broj: 05-34-1203/11) rješenja o ovlaštenju za rješavanje u upravnim stvarima Ministra Federalnog ministarstva broj: 05-34-1203/11 od 19.02.2010. godine, rješavajući po službenoj dužnosti u postupku kontrole zakonitosti korištenja prava na ličnu invalidninu Jelisić (Nenad) Darka iz Sarajeva, ostvarenu na osnovu konačnog rješenja Službe za upravu za boračko-invalidsku zaštitu općine Centar Sarajevo, broj: 09-41-3818/04 od 11.05.2005. godine, donosi

RJEŠENJE

Jelisić (Nenad) Darku iz Sarajeva, JMBG: 2005969170034 prestaje svojstvo ratnog vojnog invalida sa 21.03.2012. godine, te pravne i materijalne posljedice koje je rješenje Službe za upravu za boračko-invalidsku zaštitu općine Centar Sarajevo, broj: 09-41-3818/04 od 11.05.2005. godine proizvelo.

Obrazloženje

Rješenjem Službe za upravu za boračko-invalidsku zaštitu općine Centar Sarajevo, broj: 09-41-3818/04 od 11.05.2005. godine, na koje je data saglasnost Ministarstva za boračka pitanja Kantona Sarajevo, broj: R-06-41-16354/05 od 29.09.2005. godine, u skladu sa Zakonom o pravima branilaca i članova njihovih porodica ("Sl. novine Federacije BiH", broj: 33/04, 56/05 i 70/07), Jelisić Darku iz Sarajeva priznato je svojstvo ratnog vojnog invalida V grupe sa 70% vojnog invaliditeta i pravo na ortopedski dodatak II stepena po osnovu ranjavanja kao pripadnik OS ARBiH, počev od 01.01.2005. godine, pa dok postoje Zakonom propisani uslovi za korištenje prava u odgovarajućem mjesečnom novčanom iznosu.

Ovako je odlučeno nakon provedenog posebnog ispitnog postupka u skladu sa Zakonom o pravima branilaca i članova njihovih porodica u kojem je kao dokaz o ispunjavanju uslova za ocjenu vojnog invaliditeta cijenjeno Uvjerenje o pripadnosti Oružanim snagama i okolnostima stradanja Uprave za odbranu Sarajevo, Odjela za odbranu Centar Sarajevo, broj: 19-2-02-03-22-172/04 od 27.10.2004. godine, u kojem je navedeno da je imenovani bio pripadnik Oružanih snaga A RBiH od 25.06.1992. do 04.08.1994. godine, te je vršeci vojne dužnosti ranjen dana 24.12.1992. godine.

Nalazima i mišljenjima nadležnih ljekarskih komisija iz člana 47. Zakona o pravima branilaca i članova njihovih porodica, Pravilnikom o radu ljekarskih komisija i Pravilnikom o utvrđivanju procenta vojnog invaliditeta sa Listom procenata vojnog invaliditeta ("Sl. novine Federacije BiH", broj: 41/04) utvrđen je procenat invaliditeta po osnovu ranjavanja u visini od 70% V grupa-trajno, sa pravom na ortopedski dodatak II stepena.

Članom 1. Zakona o provođenju kontrole zakonitosti korištenja prava iz oblasti branilačko-invalidske zaštite, propisano je da se ovim Zakonom uređuju uvjeti, način i postupak provođenja kontrole zakonitosti korištenja prava svih korisnika prava ostvarenih prema propisima iz oblasti branilačko-invalidske zaštite, između ostalog i prava ostvarenih po Zakonu o pravima branilaca i članova njihovih porodica ("Sl. novine Federacije BiH", broj: 33/04, 56/05 i 70/07); a dok je članom 2. navedenog Zakona propisano da se pod revizijom podrazumijeva preispitivanje svih uvjerenja o svojstvu (pripadnosti) i okolnostima pod kojim je lice ranjeno, povrijedeno, oboljelo ili je došlo do pogoršanja bolesti.

Postupajući u skladu sa navedenom odredbom Zakona, kao i odredbom člana 6. stav 7. Zakona, Revizorski tim za kontrolu je izvršio reviziju uvjerenja Odjela za odbranu Centar Sarajevo, broj: 19-2-02-03-22-172/04 od

27.10.2004.godine, te je u skladu sa svojim ovlaštenjima dao nalog nadležnoj Grupi za pitanja evidencija iz oblasti vojne obaveze izdavanje novog uvjerenja na obrascu FMB-1, pa je od strane Grupe za pitanja evidencija iz oblasti vojne obaveze općine Centar Sarajevo izdato Uvjerenje broj: 07/18-03/1-02-R-669-286/10 od 14.02.2011.godine u kojem je konstatovano da je Jelisić Darko u vrijeme domovinskog rata u Bosni i Hercegovini bio pripadnik Oružanih snaga Armije RBiH od 25.06.1992. do 04.08.1994.godine, te je vršeci vojne dužnosti ranjen dana 24.12.1992. godine.

Nakon izvršene revizije uvjerenja o pripadnosti i okolnostima stradanja, a postupajući u skladu sa članom 6. stav 7. navedenog Zakona i člana 20. Pravilnika o načinu i postupanju vršenja revizije ("Sl. novine Federacije BiH", broj: 14/10) ovo Ministarstvo je uputilo predmet lične invalidnine Ljekarskoj komisiji kantonalnog odjeljenja Instituta za medicinsko vještačenje zdravstvenog stanja u Sarajevu radi revizije nalaza i mišljenja ljekarskih komisija izdatih u postupku priznavanja svojstva ratnog invalida po Zakonu o pravima branilaca i članova njihovih porodica.

Nadležna Ljekarska komisija kantonalnog odjeljenja Instituta za medicinsko vještačenje zdravstvenog stanja u Sarajevu se nalazom i mišljenjem broj: Z-RVI-SA-1688/12 od 16.07.2012.godine očitovala da se medicinsko vještačenje nije moglo izvršiti, jer se imenovani nije odazvao na pregled u roku od 90 dana od dana upućivanja prvog poziva (prvi poziv za dan 21.03.2012.godine, a drugi poziv za dan 16.07.2012.godine).

Odredbom člana 13a. stav 7. Pravilnika o radu ljekarskih komisija u postupku za ostvarivanje prava po Zakonu o pravima branilaca i članova njihovih porodica ("Sl. novine F BiH", broj: 41/04 i 29/11) propisano je između ostalog da ukoliko se korisnik prava ne odazove na pregled po ponovljenom pozivu u roku od 90 dana od dana prijema prvog poziva, Institut će predmet vratiti Federalnom ministarstvu-Sektoru za upravno rješavanje na nadležno postupanje, uz prilaganje Nalaza i mišljenja i pismenih dokaza o uručenju poziva.

Odredbom člana 7. stav 4. Zakona o provođenju kontrole zakonitosti korištenja prava iz oblasti branilačko-invalidske zaštite je propisano da Institut donosi nalaz, ocjenu i mišljenje isključivo na osnovu postojeće medicinske dokumentacije (na osnovu koje je ranije cijenjen) u spisu predmeta i na osnovu pregleda korisnika prava, a stavom 6. istog člana je regulisano da ukoliko se korisnik prava ne odazove na pregled po pozivu Instituta u roku od 30 dana od dana poziva, privremeno će mu se obustaviti isplata invalidnine, a ukoliko se ne odazove na pregled po ponovljenom pozivu u roku od 90 dana od dana prvog poziva, donijet će se rješenje o prestanku prava koje je do tada koristio sa danom isteka ovog roka.

Uvidom u spise predmeta utvrđeno je da je imenovani od strane dostavljača pismena obaviješten o prvom pozivu za ljekarski pregled (21.03.2012.godine) koji nije preuzeo, a nakon toga je majci imenovanog uredno uručen drugi poziv radi pregleda (dokaz u spisu), te da se i na drugi poziv nije odazvao, niti je nedolazak opravdao, a obzirom da je odredbom člana 7. st.4 navedenog Zakona, propisano da oba uslova moraju biti kumulativno ispunjena kako bi Institut za medicinsko vještačenje mogao dati nalaz i mišljenje, to nisu ispunjeni uslovi za dalje ostvarivanje prava, primjenom člana 7. st.6. navedenog Zakona, a u skladu sa Zakonom o budžetu, Zakonom o izvršenju budžeta, Zakonom o upravnom postupku i Zakonom o pravima branilaca i članova njihovih porodica, te članom 7. stav 6. Zakona o provođenju kontrole zakonitosti korištenja prava iz oblasti branilačko-invalidske zaštite odlučeno je kao u dispozitivu rješenja.

Pravno dejstvo ovog rješenja određeno je primjenom člana 7. stav 6. Zakona o provođenju kontrole zakonitosti korisnika korištenja prava iz oblasti branilačko-invalidske zaštite, obzirom da se imenovani nije odazvao na pregled po ponovljenom pozivu u roku od 90 dana od dana prvog poziva, odnosno od 21.03.2012.godine.

Ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor tužbom kod Vrhovnog suda Federacije Bosne i Hercegovine u roku od 30 dana od dana prijema ovog rješenja. Tužba se podnosi sudu u dva istovjetna primjerka i uz istu se prilaže prepis ovog rješenja. Tužba se predaje sudu neposredno ili se šalje poštom-preporučeno.

Dostavljeno:

- Imenovanom
- U spis predmeta
- Sektoru za finansije(ovdje)
- Arhiva

